

КОМСОМОЛЬЦЫРИН ДӨНЪ

Приозерн района, Чкалов—
нертя совхозд ах хөөч болдж
Соловьева Анастасия Яковлен-
на гидг куукд кун кодлджаня.
Ур Соловьева 1953-ч джилас
авн хөөч болдж кодлдж йовна.
Джилас джил болгын хөөдэн
гару угагъар халадж, асрдж,
чината саанар барджаня. Арвн
хонгин дунд хургълх 222 хөө-
дас 311 хургъ авб.

Алдр Октябрьск социалисти-
ческ революцин 40-ч джилин
обниг диилвртэгъар омнэснь
тосх кергт ур Соловьева эв-
рэннь цогцан хээрлл уга код-
лджаня. Эн чилсн джилин ув-
лас торгын нооста 864 хөөдиг
нег чигн гару угагъар, сан чи-
натэгъар гаргъв.

Эн Соловьевин отарт сак-
маншикуд болдж кесг комсо-
мольцнр кодлдж йовцхана.

Улгурлхд, ВЛКСМ-н кемите-
тин член ур Климова Любовь
болн комсомолец Кирилюк
Александр. Эн комсомольцнр
йир шунмгъа кевар кодлдж,
бийс деерэн даадж авсн хөд
хургъдан эв-аргъинь олдж,
эврэннь килмджэн огч, нег чи-
гн гару угагъар халадж йовц-
хана.

Ах хөөч ур Соловьева Ана-
стасия — 100 хөөнэс 110 хургъ
авх болдж уган огв. Тер уган
йир саанар куцаджана. Ода
апрель сарин 21 куртл, 100
хөөнэс 136 хургъд авсн бааня.
Гарсн хургъднь эрул-дорул, га-
ру уга осдж бааня. Хургъта
хөөдт теермдчксн 150—200
грамм гуйр болн сан шимта
овс бас огня.

БАКАН АНЪГЪРГ.